



Broj: 10/E-11-5223/23
Sarajevo, 25-10-2023. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke: Nabavka tehničke opreme za pretrage u teškim zimskim uslovima Službi za spašavanje u prirodi, na vodi i pod vodom (Zapisnik o pregledu i ocjeni ponuda broj: 10/E-11-5223/23 od 18.10.2023. godine), Općinski načelnik d o n o s i

ODLUKU O IZBORU NAJPOVOLJNIJEG PONUĐAČA

- I. Prihvata se ponuda ponuđača „**AQUABALKAN**“ d.o.o. **Konjic**, ulica Kanjina do broja 1, 88400 Konjic, broj: 134/2023 od 27.09.2023. godine, za nabavku tehničke opreme za pretrage u teškim zimskim uslovima Službi za spašavanje u prirodi, na vodi i pod vodom, u ukupnom iznosu od **84.944,25 KM bez PDV-a, odnosno 99.384,77 KM sa PDV-om**.
- II. Ugovorni organ će sa izabranim ponuđačem zaključiti Ugovor, kojim će regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III. Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na Protokol Ugovornog organa (originalne ili ovjerene kopije).
- IV. Ova Odluka se dostavlja ponuđačima koji su učestvovali u postupku javne nabavke u roku od sedam dana, shodno članu 70. stav (2) i članu 71. Zakona o javnim nabavkama.
- V. Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke: Nabavka tehničke opreme za pretrage u teškim zimskim uslovima Službi za spašavanje u prirodi, na vodi i pod vodom, pokrenut je Odlukom Općinskog načelnika o pokretanju postupka javne nabavke putem otvorenog postupka, broj: 10/E-11-5223/23 od 11.8.2023. godine. Postupak javne nabavke nije podijeljen na lotove. Obavještenje o nabavci broj: 848-1-1-155-3-178/23 objavljeno je dana 20.9.2023. godine na Portalu javnih nabavki, a Sažetak Obavještenja o nabavci objavljen je u „Službenom glasniku BiH“ broj 67/23 – Oglasnik javne nabavke. Procijenjena vrijednost javne nabavke iznosi ukupno 85.000,00 KM bez PDV-a.

U roku za predaju ponuda koji je određen tenderskom dokumentacijom (11.10.2023. godine do 11:00 sati), na adresu Ugovornog organa dostavljene su dvije (2) ponude od ponuđača: 1. „AQUABALKAN“ d.o.o. Konjic i 2. „ABC SPORTING“ d.o.o. Banja Luka.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su cijene ponuda, kao kriteriji „najniža cijena“, kako slijedi:

r/b	Ponudač	Ukupno bez PDV-a (KM)	Popust	Ukupno sa popustom bez PDV-a (KM)	Ukupno sa popustom i PDV-om (KM)
1.	"AQUABALKAN" d.o.o. Konjic	84.944,44	/	84.944,44	99.385,00
2.	„ABC SPORTING“ d.o.o. Banja Luka	85.000,00	/	85.000,00	99.450,00

Nakon izvršenog javnog otvaranja ponuda, na zatvorenom sastanku Komisija I je pristupila detaljnom pregledu i analizi dokumentacije priložene uz dostavljene ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; formalne ispravnosti, ocjene tehničke i ekonomske prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Tom prilikom je Komisija I ustanovila:

- Ponuda ponuđača „ABC SPORTING“ d.o.o. Banja Luka je neprihvatljiva u smislu člana 2. stav (1) tačka l) al. 2) Zakona o javnim nabavkama („Službeni glasnik BiH“, broj 39/14 i 59/22). Ovakvom zaključku Komisije I prethodilo je utvrđenje dalje navedenih činjenica.

Tačkom 7.3.2. pod c) (Tehnička i profesionalna sposobnost) tenderske dokumentacije za predmetnu nabavku, u kojoj je u skladu sa članom 49. stav (1) tačka d) Zakona o javnim nabavkama definisan zahtjev ponuđačima za dostavu uzoraka robe iz Obrasca za cijenu ponude – ROBE (Aneks 2.), navedena je napomena u kojoj stoji:

Napomena:

Ponuđači su u cilju vjerodostojnosti uzoraka obavezni da iste dostave u posebnoj kutiji uz ponudu.

Kutija/kutije moraju biti opečaćene pečatom ponuđača.

U suprotnom će se ponude ponuđača odbaciti kao neprihvatljive.

Ponuđač uzorak/uzorke obilježava nazivom i taksativno navodi u sadržaju ponude kao dio ponude (Aneks 1.) tenderske dokumentacije.

Ponuđač „ABC SPORTING“ d.o.o. Banja Luka je stranici redni broj 3. svoje ponude dostavio Obrazac za ponudu (Aneks 1.) u kojem je, u opisu dostavljenih dokumenata, izjava i obrazaca sa nazivima istih, pod rednim brojem 12, 13, 14 i 15 naznačio uzorke za robu koji su zahtijevani tenderskom dokumentacijom.

Međutim, traženi uzorci nisu dostavljeni u posebnoj kutiji/kutijama uz ponudu, na način kako je propisano tenderskom dokumentacijom.

U konkretnom slučaju Komisija I ocjenjuje da ponuđač „ABC SPORTING“ d.o.o. Banja Luka nije postupio u skladu sa tačkom 7.3.2. pod c) tenderske dokumentacije, u kojoj je u napomeni jasno i nedvosmisleno navedeno da su ponuđači **obavezni** uzorke dostaviti u posebnoj kutiji uz ponudu. Ponuđač „ABC SPORTING“ d.o.o. Banja Luka je uzorke dostavio u plastičnim vrećama.

Na osnovu ovako utvrđenog činjeničnog stanja, Komisija I je zaključila da ponuđač „ABC SPORTING“ d.o.o. Banja Luka nije postupio u skladu sa članom 57. stav (1) Zakona o javnim nabavkama („Službeni glasnik BiH“, broj 39/14 i 59/22) kojim je propisano da se u postupku javne nabavke kandidat/ponuđač pridržava zahtjeva i uslova iz tenderske dokumentacije.

Komisija I se u donošenju ovakvog zaključka pozvala i na odredbe Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15), čijim je odredbama, između ostalog, uređeno pitanje pripreme tenderske dokumentacije. Tako je u članu 3. stav (2) tačka d) al. 12) Uputstva jasno propisano sljedeće:

„12) ukoliko se dostavljaju uzorci robe, jasno opisati način na koji će se isti dostavljati;“

Tenderskom dokumentacijom propisan je način dostave zahtijevanih uzoraka, kojeg se ponuđač „ABC SPORTING“ d.o.o. Banja Luka nije pridržavao.

Izvršenom izmjenom u članu 2. stav (1) tačka l) al. 2) Zakona o javnim nabavkama („Službeni glasnik BiH“, broj 39/14 i 59/22), zakonodavac je propisao da je neprihvatljiva ona ponuda čija cijena prelazi planirana, odnosno obezbijedena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta.

Temeljem utvrđenog činjeničnog stanja, u skladu sa naprijed navedenom zakonskom odredbom člana 2. stav (1) tačka l) al. 2), a u vezi sa članom 68. stav 4) tačka i) Zakona o javnim nabavkama, Komisija I je ponudu ponuđača „ABC SPORTING“ d.o.o. Banja Luka isključila iz postupka.

Detaljnom računskom provjerom ispravnosti prihvatljive ponude ponuđača „AQUABALKAN“ d.o.o. Konjic Komisija I je utvrdila da u ponudi, odnosno u Obrascu za ponudu (Aneks 1.) i u Obrascu za cijenu ponude – ROBE (Aneks 2.), postoji računska greška u dalje navedenim stavkama.

- Na stranici ponude numerisanoj brojem 1, odnosno redni br. 15 tenderske dokumentacije, **Obrazac za ponudu (Aneks 1.)** u tekstu, pod rednim brojem 3:

- **Cijena naše ponude (bez PDV-a)** - pogrešno je upisan iznos 84.944,44 KM, a treba da je upisan iznos **84.944,25 KM**;
- **Cijena naše ponude, sa uključenim popustom** - pogrešno je upisan iznos 84.944,44 KM, a treba da je upisan iznos **84.944,25 KM**;

- **PDV na cijenu ponude (sa uračunatim popustom)** - pogrešno je upisan iznos 14.440,56 KM, a treba da je upisan iznos **14.440,52 KM**;
 - **Ukupna cijena za ugovor** - pogrešno je upisan iznos 99.385,00 KM, a treba da bude upisan iznos **99.384,77 KM**;
 - **Slovima:** pogrešno je upisano: DEVEDESETDEVETHILJADATRISTOTINEOSAMDESETPET I 0/100 KM, a treba da je upisano **DEVEDESETDEVETHILJADATRISTOTINEOSAMDESETČETIRI I 77/100 KM.**
- Na stranici ponude numerisanoj brojem **3**, odnosno redni br. 17 tenderske dokumentacije, **Obrazac za cijenu ponude – ROBE (Aneks 2.)** u tabeli – **Nabavka tehničke opreme za pretrage u teškim zimskim uslovima Službi za spašavanje u prirodi, na vodi i pod vodom**, pogrešno su upisani iznosi za dalje navedene stavke:
- Roba pod rednim brojem 1 - **Gamašne** - pogrešno je u koloni **Ukupna cijena u KM bez PDV-a** upisan iznos 2.188,03 KM, a treba da je upisan iznos **2.188,00 KM** (iznos nastao množenjem količine i jedinične cijene u KM bez PDV-a za predmetnu stavku).
 - Roba pod rednim brojem 2 - **Bivak Vreća** - pogrešno je u koloni **Ukupna cijena u KM bez PDV-a** upisan iznos 1.794,87 KM, a treba da je upisan iznos **1.794,80 KM** (iznos nastao množenjem količine i jedinične cijene u KM bez PDV-a za predmetnu stavku).
 - Roba pod rednim brojem 3 - **Šator za tri osobe** - pogrešno je u koloni **Ukupna cijena u KM bez PDV-a** upisan iznos 9.423,08 KM, a treba da je upisan iznos **9.423,05 KM** (iznos nastao množenjem količine i jedinične cijene u KM bez PDV-a za predmetnu stavku).
- Na stranici ponude numerisanoj brojem **4**, odnosno redni br. 18 tenderske dokumentacije, **Obrazac za cijenu ponude – ROBE (Aneks 2.)**, u naprijed navedenoj tabeli, pogrešno su upisani iznosi za dalje navedenu stavku:
- Roba pod rednim brojem 4 - **Šator za dvije osobe** - pogrešno je u koloni **Ukupna cijena u KM bez PDV-a** upisan iznos 3.384,62 KM, a treba da je upisan iznos **3.384,63 KM** (iznos nastao množenjem količine i jedinične cijene u KM bez PDV-a za predmetnu stavku).
- Na stranici ponude numerisanoj brojem **5**, odnosno redni br. 19 tenderske dokumentacije, **Obrazac za cijenu ponude – ROBE (Aneks 2.)**, u naprijed navedenoj tabeli, pogrešno su upisani iznosi za dalje navedene stavke:
- Roba pod rednim brojem 5 - **Planinarski štapovi** - pogrešno je u koloni **Ukupna cijena u KM bez PDV-a** upisan iznos 2.615,38 KM, a treba da je upisan iznos **2.615,40 KM** (iznos nastao množenjem količine i jedinične cijene u KM bez PDV-a za predmetnu stavku).
 - Roba pod rednim brojem 6 - **Krpilje (par)** - pogrešno je u koloni **Ukupna cijena u KM bez PDV-a** upisan iznos 4.010,26 KM, a treba da je upisan iznos **4.010,28 KM** (iznos nastao množenjem količine i jedinične cijene u KM bez PDV-a za predmetnu stavku).
- Na stranici ponude numerisanoj brojem **6**, odnosno redni br. 20 tenderske dokumentacije, **Obrazac za cijenu ponude – ROBE (Aneks 2.)**, u naprijed navedenoj tabeli, pogrešno su upisani iznosi za dalje navedene stavke:
- Roba pod rednim brojem 7 - **Sonda za lavine** - pogrešno je u koloni **Ukupna cijena u KM bez PDV-a** upisan iznos 1.507,69 KM, a treba da je upisan iznos **1.507,68 KM** (iznos nastao množenjem količine i jedinične cijene u KM bez PDV-a za predmetnu stavku).
 - Roba pod rednim brojem 8 - **Lopata za snijeg** - pogrešno je u koloni **Ukupna cijena u KM bez PDV-a** upisan iznos 1.405,13 KM, a treba da je upisan iznos **1.405,08 KM** (iznos nastao množenjem količine i jedinične cijene u KM bez PDV-a za predmetnu stavku).
 - Roba pod rednim brojem 9 - **Cepin** - pogrešno je u koloni **Ukupna cijena u KM bez PDV-a** upisan iznos 1.989,74 KM, a treba da je upisan iznos **1.989,72 KM** (iznos nastao množenjem količine i jedinične cijene u KM bez PDV-a za predmetnu stavku).
 - Roba pod rednim brojem 10 - **Lavinski locator** - pogrešno je u koloni **Ukupna cijena u KM bez PDV-a** upisan iznos 6.820,51 KM, a treba da je upisan iznos **6.820,56 KM** (iznos nastao množenjem količine i jedinične cijene u KM bez PDV-a za predmetnu stavku).
- Na stranici ponude numerisanoj brojem **7**, odnosno redni br. 21 tenderske dokumentacije, **Obrazac za cijenu ponude – ROBE (Aneks 2.)**, u naprijed navedenoj tabeli, pogrešno su upisani iznosi za dalje navedenu stavku:
- Roba pod rednim brojem 12 - **Vreća za spavanje** - pogrešno je u koloni **Ukupna cijena u KM bez PDV-a** upisan iznos 15.726,50 KM, a treba da je upisan iznos **15.726,40 KM** (iznos nastao množenjem količine i jedinične cijene u KM bez PDV-a za predmetnu stavku).
- Na stranici ponude numerisanoj brojem **8**, odnosno redni br. 22 tenderske dokumentacije, **Obrazac za cijenu ponude – ROBE (Aneks 2.)**, u naprijed navedenoj tabeli, pogrešno su upisani iznosi za dalje navedenu stavku:
- Roba pod rednim brojem 14 - **Klinovi za snijeg** - pogrešno je u koloni **Ukupna cijena u KM bez PDV-a** upisan iznos 743,59 KM, a treba da je upisan iznos **743,58 KM** (iznos nastao množenjem količine i jedinične cijene u KM bez PDV-a za predmetnu stavku).
- Na stranici ponude numerisanoj brojem **9**, odnosno redni br. 23 tenderske dokumentacije, **Obrazac za cijenu ponude – ROBE (Aneks 2.)**, u naprijed navedenoj tabeli, pogrešno su upisani iznosi za dalje navedenu stavku:

- Roba pod rednim brojem 17 – **Ljepilo za turno kože** - pogrešno je u koloni **Ukupna cijena u KM bez PDV-a** upisan iznos 564,10 KM, a treba da je upisan iznos **564,12 KM** (iznos nastao množenjem količine i jedinične cijene u KM bez PDV-a za predmetnu stavku).

U manjoj tabeli, na stranici ponude redni broj 9, odnosno redni br. 23 tenderske dokumentacije, pogrešno su upisani iznosi:

- **UKUPNO bez PDV-a (KM)** – pogrešno je upisan iznos 84.944,44 KM, a treba da je upisan iznos **84.944,25 KM**;
- **UKUPNO sa popustom bez PDV-a (KM)** – pogrešno je upisan iznos 84.944,44 KM, a treba da je upisan iznos **84.944,25 KM**;
- **PDV 17%** - pogrešno je upisan iznos 14.440,56 KM, a treba da je upisan iznos **14.440,52 KM**;
- **UKUPNO sa popustom i PDV-om (KM)** – pogrešno je upisan iznos 99.385,00 KM, a treba da je upisan iznos **99.384,77 KM**;
- **SLOVIMA** – pogrešno upisano: DEVEDESETDEVETHILJADATRISTOTINEOSAMDESETPET I 0/100 KM, a treba da je upisano **DEVEDESETDEVETHILJADATRISTOTINEOSAMDESETČETIRI I 77/100 KM.**

S tim u vezi dopisom broj: 10/E-11-5223/23 od 16.10.2023. godine traženo je od ponuđača „AQUABALKAN“ d.o.o. Konjic da se pismeno izjasni o navedenom.

Dana 17.10.2023. godine ponuđač „AQUABALKAN“ d.o.o. Konjic dostavio je putem elektronske pošte izjašnjenje i saglasnost za ispravku računске greške u Ponudi broj: 134/2023, u svemu kako je navedeno u dokumentu broj: 10/E-11-5223/23 od 16.10.2023. godine. Na osnovu izjašnjenja odnosno pisane saglasnosti utvrđeno je da cijena ponude ponuđača „AQUABALKAN“ d.o.o. Konjic iznosi **ukupno bez PDV-a 84.944,25 KM**, odnosno **sa popustom i PDV-om 99.384,77 KM**.

Nakon izjašnjenja o računskoj grešci, cijena prihvatljive ponude koje će se vrednovati je:

r/b	Ponuđač	Ukupno bez PDV-a (KM)	Popust	Ukupno sa popustom bez PDV-a (KM)	Ukupno sa popustom i PDV-om (KM)
1.	„AQUABALKAN“ d.o.o. Konjic	84.944,25	/	84.944,25	99.384,77

Tenderskom dokumentacijom je predviđeno provođenje e-aukcije. S obzirom na to da je dostavljena samo jedna prihvatljiva i pravilna ponuda, postupak javne nabavke se okončava bez provođenja e-aukcije, u skladu sa članom 69. Zakona o javnim nabavkama („Službeni glasnik BiH“, broj 39/14 i 59/22), a u vezi sa članom 3. stav (3) Pravilnika o uslovima i načinu korištenja e-aukcije („Službeni glasnik BiH, broj 66/16).

Rangiranje ponuda na osnovu kriterija za izbor ponude „najniža cijena“, shodno članu 64. stav (1) tačka b) Zakona o javnim nabavkama kako slijedi:

Rang	Ponuđač	Ukupno (KM) sa popustom bez PDV-a	Ukupno sa popustom i PDV-om (KM)
1.	„AQUABALKAN“ d.o.o. Konjic	84.944,25	99.384,77

Cijeneći sve prethodno navedeno, Komisija I je u daljem radu donijela jednoglasnu odluku da se Općinskom načelniku dostavi

PREPORUKA O PRIHVATANJU PONUDE

Ponuđača **„AQUABALKAN“ d.o.o. Konjic**, ulica Kanjina do broj 1, 88400 Konjic, broj: 134/2023 od 27.09.2023. godine, za nabavku tehničke opreme za pretrage u teškim zimskim uslovima Službi za spašavanje u prirodi, na vodi i pod vodom, putem otvorenog postupka, u ukupnom iznosu od **84.944,25 KM bez PDV-a, odnosno 99.384,77 KM sa popustom i PDV-om**, sa kojim će biti zaključen Ugovor. Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije I, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama.

Naknada za pokretanje žalbenog postupka iznosi 2.000,00 KM u skladu sa članom 108. stav (1) tačka c) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

**OPĆINSKI NAČELNIK**

Srdan Mandić

Prilog:

Zapisnik o pregledu i ocjeni ponuda

broj: 10/E-11-5223/23 od 18.10.2023. godine

DOSTAVITI:

1. Ponuđač: „AQUABALKAN“ d.o.o. Konjic, ul. Kanjina do broja 1, 88400 Konjic
2. Ponuđač: „ABC SPORTING“ d.o.o. Banja Luka, ul. Branka Ćopića broj 1, 78000 Banja Luka
3. Službi za civilnu zaštitu
4. Kabinetu općinskog načelnika - Odsjek za javne nabavke
5. Službi za finansije
6. U spis